

64851
18



殊評淮南鴻烈解



大中丞苗公文集序

士君子名世之具有二曰
功業曰文章古今來才人
傑士靡不嫻此二者後為
傳人大率以天性所夙優
者各擅其長二者遂判然



P2-P5

分途矣願二者之中復分
列數科功業之分為吏治
為彈壓為鎮撫龔黃趙張
長於吏治者也張馮汲鄭
長於彈壓者也羊杜郭裴
長於鎮撫者也皆績懋巖

廊而寡然著作文章之分
為論述為條對為辭賦馬
班范陳長於論述者也晁
董二賈長於條對者也屈
宋鄒枚長於辭賦者也更
名高藻繪而勳烈罔聞兼

而擅之自昔為難迨後世
文以制科為選閉戶窮簷
索句讀而芥拾青紫既闈
然於古今之故功以積資
為遷尸位曠官持天祿而
晉階歷級益無關於治安

之書求為一端自表猶不
可得况統數者之長以萃
為一人者哉識者所以愾
然而嘆乏才也吾年友晉
侯苗公既弘經濟之猷復
振詞壇之藻敷歷中外三

十餘年况瘁以終其功業
文章之無者乎生平著作
甚富皆散軼敝篋中兩令
子皆英年雋才奮然有志
於子述之職爰彙輯遺帙
若干卷屬余較讐而授之

梓余惟功業之傳在國而
文章之傳在家得其人後
傳不得其人則不傳故太
史公執手涕泣父子揆受
之際洵難言也若晉侯者
可謂名世可謂傳人矣若

生伯仲寬者可謂能世其
家矣

順治乙未長至日獲澤年

眷弟石鳳臺六象又頓

首拜題



大中丞苗晉侯先生文集目錄

卷一

詩稗畧抄

卷二

雜撰畧抄

卷三

尺牘畧抄

卷四

駢啓畧抄

卷五

漢濱舊話

卷六

言鏡

卷七

年譜

卷八

苗晉侯先生文集凡例

同郡後學趙日暉撰

一先生著作宏富今登梓者皆先生手訂摘抄
僅十之三其餘積案盈箱兩公子珍若弓球
侯有全集行世

一先生總角嗜古雅好立言弱冠登朝數歷中
外皆轉饒穢寇諸務倥傯戎馬不廢吟咏凡
一切公移批答奏疏揭示檄文露布雅俗應

酬皆自出錦心累牘立就旣鮮陳琳代草亦
無入幕郗生蓋劉道和之後無第二人

一先生原刻若疏稿若新餉志若撫鄖雜錄若
解鞍小錄若天章世賁若家乘若問俗畸言
若固圉諸牘數十種今祇列其書目不入新
集懼繁浩也

一是集久宜壽梓因長公子候選京邸次公子
擐甲西陲遲遲未果今皆投簪歸里不以子
譏陋謬屬點定舊有朱滄起石翥雲張玉調
三先生大序冠冕簡端其校讐辭義之精確
釐正字畫之外訛則家孝廉二瞻兄殫厥心
日子不過編次篇題因人成事而已

一文章勲業發乎性情則詩學最重亦最難唐
元稹曰好古者遺近務華者去實效齊梁則
不逮于魏晉工樂府則力屈于五言切律則
骨格不存閒暇則纖穠莫備先生詩有別才

清泫韶秀出人意料其風度直在大曆元和之間讀者自有衡鑒

一雜撰體裁不一今所錄者皆極關繫或因文以傳人或傳文以垂事總于名教有裨益于經濟有實効其餘吟風弄月之章山水登臨之記暫貯笥秘

一先生最善書札晰理則通明確正輸情則懇惻肫誠措事則圓妙解頤寫景則丹青圖畫茲集不能具載聊存其軍國籌謨封疆綢繆數則一斑可窺全豹

一四六駢語昔人謂雕蟲小技然王楊盧駱名噪天壤豈必盡效樊宗師之奇崛韓退之之聱牙而後爲文人乎先生諸啓鋪錦列繡藻耀高翔蓋備六朝之佳麗而汰其靡蔓者後有作者不可及矣


一漢濱舊話實與解鞍撫卹諸錄相表裏今特

補刻以誌苦心

一言鏡皆繫立身行已脩齊治平大議論吾輩當勒銘座右者或謂承襲古人成見未免譏說雷同譬如釧鐻入巧匠之鑪冶別出一種花樣新鮮遑問爲誰氏之黃白乎

一年譜肇自宣聖志學一章是也先生寫照生平肝膈如浣試靜氣讀之何事不可告天何語不可對人至于功罪混淆沙含弓影昔不得諱今何必再諱雖短勞臣之氣終無怨尤之辭昔人謂腐史文之絕勝者無如自敘一篇立懦廉頑端有藉于先生之譜

一兩世本傳撰自王覺斯宗伯朱滄起太史文雅馴而事詳核直與班馬媲美蓋先生纓縱七世道學淵源名宦鄉賢輝煌俎豆爲吾澤士林景仰抵今庭前玉樹觸目琳瑯福履正未艾云



PI

兩世本傳

附世譜

附集

係舊刻

撫郎雜錄

解鞍小錄

別集

各有專刻

新餉志

奏疏

固圉諸牘

古文從抄

問俗畸言

天章世賁

崇祀錄

家乘

制義

大中丞苗晉侯先生文集卷之一目錄

詩稗畧抄

五言古

題褫亭驛壁

壁畫崔生盜虎皮事

秋日山行

庭前榴葉亂墜感賦

對酒

鷓鴣啼

九仙臺絕頂遠眺

題寧郭驛官署大槐

途次少憩與客話避亂山居事走筆志感
暮春有客談及世態漫賦

七言古

桃花歌

社日郊遊

七夕歌

新柳行

過豫國士祠

再賦坐隱臺十韻

秋登滄浪亭

老嫺行

冬日朱滄起太史將歸省以解脫園記見
示余不禁神往因賦長韻

旋陽樓詩

皇極殿重建紀事

大祀社稷壇禮成紀事

五言律

秋日同葉蕃實王韓鎮邢大來李大生遊

西山諸寺次韓鎮韻 三首

冬日閒居次大兄韻 三首

病中題壁 三首

春日途行憶無計留春佳句足韻

行山 二首

過新鄉弔郭孟諸副憲

七言律

元日朝回馬上偶成

上元過雪步大兄韻

春雪夜集

柳堤早發

燕中伏日聞蟬

秋宿武安山邸

秋夜郵亭鐵馬

秋深之任關南過漢陰署偶成

重九日次汾陽同靳嗣美進士朱滄起大

史朱鼎石中翰夜飲

二首

冬夜客集

賀任雪音年丈太夫人兩世貞節恩旌

壽王少司農夫人

奉使轉餉季秋朔井陘署夜雨

坐隱臺次郭漱六暨大兄韻

秋日雨後過界山

初秋入鄖餘暑猶盛憩遠河公署次壁間

裴太宰韻

初冬昧爽登晴川閣

白雲閣

流寇披猖余督兵追剿凡三過滇中矣經

年馬上 一事無成賦以志感時爲丙子
上元之後三日

被謫單懷中秋夜及任參矣劉醉竹諸君

小集醉竹袖出一詩客去挑燈次韻

二首

旅舍深秋

憶舊

元旦旅中

旅中上元夜獨坐值雪

習靜九僊臺漫賦

都門同王存予侍御朱滄起太史談燕京

寇禍事感賦

春日將下太行過星軺阻雨用壁間韻

兵燹後恭謁孟夫子廟

宿遷舟中

五言絕

再憶留春句漫成十絕

雨松

江上風行

重九前日夜駐均州公署值雨 三首

秋抄登樓 二首

仲春山行

旅中夜雨

青青調 四首

七言絕

春行清風店

仲夏同郭漱六飲園亭卽事七絕

菊月來未厝步壁間韻 三首

聞蟬

舟中夜雪偶成

夜駐內丘公署夢至家室賦以志感

易水弔古

過湯陰謁岳王廟感賦 三首

長安夜雨

秋夜舟中偶成 二一首

秋思 四首

重九日旅中史給諫送酒獨酌

歲除 二首

山中元日題壁是日雪

上元後二日作

再過豫國士祠

可園內欲作灌園居一楹門窻皆作半屏

狀豫題

大中丞苗晉侯先生文集卷一

高都苗胙土 著

後學趙日暉

較閱

汾陽朱之俊鑒定

甥 趙嗣彥

苗士寅

男

同梓

苗士容

詩稗畧抄

五言古

題視亭驛壁

壁畫崔生盜虎皮事

傳言此地事有虎夜化人崔生褫其皮含羞步
逡巡携歸爲伉儷兒女漸成行宦遊復過此四
顧蒼林長忽爾咆哮去高嘯響山谷爪動眼生
光空餘兒女哭誰爲此說者子虛與大人觀之
莫詫奇想因慨世情世情多豪焰一怒焚崑岡
連陌復連雲金珠且滿囊行路皆頰首主人意
未央側目及諛口如虎蹲其傍深閨鎖嬌女馥
馥體凝香終夜抱虎眠自分溫柔鄉虎在山原
裏有時睡垂額莫作睡時看其鬚不可捋

秋日山行

人道山行惡我道山行奇秋光清復杲爲有西
風吹碧澗淙淙轉丹楓灼灼垂籬邊有黃犬昂
首吠官司竈上有稚子鼓掌笑旌帷城市那如
此當作太古遺駢駢行役客向曉不知疲遙瞻
高樹裏且息塵中騎誰謂乘軒好不似山居時

庭前榴葉亂墜感賦

昔日榴花開花英紅於火西風一夜急黃葉紛
堆左葉墜不成蔭那言垂垂果屬自舞西風隨
風似嬌娜風行不復留敗葉空庭鎖中夜葉敲
窻嗚咽如訴我遷流本若斯悵悵將何可

對酒

對酒正當歌胸中壘塊多一飲期一石樽空顏
未醅我無吸川口此日誰作魔徧揣匪他物閑
愁橫腹過愁城酒可破愁重奈若何

鷓鴣啼

楚牛南畝下朝載夕牽犁白鶴庭中舞梳翎花
樹西長唳亦何逸短轅谿下泥物性豈縣隔賦
形自不齊勞勞悲生者浪學鷓鴣啼

九僊臺絕頂遠眺

桃源何悵悵惟卧東山陞荒草暗千谷出門胡
所之不憂白日落無散戰雲時

題寧郭驛官署大槐

昔日宮中槐而今已作薪古槐在空署身甲仍
如鱗曲幹參天起蒼虬欲攫人千年苔色老百
尺蔭西鄰群芳多應候不與共爭春聞有南柯
郡偏留入夢人

塗次少憩與客話避亂山居事走筆志感
難矣行路客倍憶山棲時淺水堪濯足濁醪亦
滿卮柴關竟日掩黃鳥任相隨愛夢偏宜午醒
牌便讀詩林高雲散晚犬熟豹聲遲滄海揚塵
起以非趙壁旗田家知舊臘社居醉忘疲嶺外
有孤鶴梳翎漸于遶飛來雙羽倦倍憶山棲時
暮春有客談及世態漫賦

日月有常度風雷天外鳴鳴時震百里山動海
波橫世事山川似彈碁並沸羹能言終鷓鴣治
姑笑鷓鴣憤世沉三閭憂時哭賈生誰憐高馬
骨春盡惱黃鶯君不見昨日丹楓落今朝青甲
生五湖烟雨寬如許邂逅那堪鼓棹爭

七言古

桃花歌

計署下糧廳有杏新餉司有桃兩衙適
對峙也余三驗間參計兩署偶見蒼煙
方引紅雨遄飛因念故園有桃千樹雜
以它卉此時庭花空鎖主人未歸邊計
政殷家音遙阻每一念及未嘗不夢繞
行山也賦歌志感時爲丁卯仲春日

生來寡韻事錢穀有俗狀借問桃花爾何來紅
心默默時相向東風一夜燕山轉碧煙淡淡紅
能顯膩頰初疑笑共啼茜裘未辨深與淺笑鞭
小吏花間行花光四炤生花情忽憶家山桃千
樹春來不見春風生此時池泮小鯽翻此時甲
拆新棠蕃當年懷帙聽好鳥鳥語滿枝春滿軒
燕晉風雲難共幕主人未歸花蕭索廳下時看
綏嶺花夢中徒聽行山鐸我有高堂驚白髮北

山勞人空懷家題詩欲語向南樹桃花無言墜
紅雨

社日郊遊

今來舊陌問新芳縷縷香塵接地長塵外和風
吹吟客塵中朱鳥伴春裳遊鞭如錦驕嘶馬盡
指垂楊過短墻選勝傾尊何處好溪邊石上便
徜徉隔堤有女如花簇娉娉輕衫琥珀光團扇
初揮薄羅透透來香汗膩新粧柔條振振半凝
綠亂逗行人舞道傍乳燕喃喃尋舊壘雙飛雙
宿覩雕梁午來樹屋饗神後啞啞笑言傾百觴
我亦隨緣問杖屨滿懷拍拍寄奚囊白螺杯泛
清波溜丹蕊英穠碧莖苾樹杪喁喁風何軟一
聲一度送春陽幾回迭徑乘暄曝蘭芽茁茁噴
微香香草迎人方甲拆擬將重檻護瑤芳簷牖
漸落遊人歇春色分來歸騎忙倏忽枝頭呈爛
錦好留花事待阮郎

七夕歌

西風隨雨送新涼
人道女牛夙業長
洗却經年無限恨
爲雲此日看縹緗
雙星共燦凝碧落
夜明眸怨雲幕
怨此盈盈一水橫
有心無楫憑誰託
莫言僊路無情波
莫言天人無惡魔
一年渾是顰愁眉
盼得秋期便輟梭
梭下織成思萬縷
明絲寸寸殷心組
沾巾偏短露零宵
一刻何當夜千古
天憐幽抱入秋開
爲遣填河烏鵲來
經歲懸腸今夕斷
無邊新恨逼人回
誰將盛事輕傳泄
引得女兒評巧拙
歲歲針穿雙線線
瓜落金梭常繞舌
乞巧頻將星月呼
牛宮悽咽正長吁
悲歡不盡當場事
那有工夫教繡姝
我亦隨緣陳瓜脯
彩雲臨席風吹戶
佳賓況復笑顏頻
何惜金樽伴玉塵
玉塵瑩冰溽汗歇
長談未竭婺星沒
多應織女怯露寒
深閉重帷歸丹闕
雲破參橫黯壺盤
羅衫秋透醉中單
與君共勘

通玄訣再向長空仰面看

新柳行

癸亥上巳爲法氏之行新柳乍舒翠靄
欲滴如困舞思眠如新粧騁艷憶昔頻
歲尋春嫩枝手折物在時遷頓成已事
蝶耶鹿耶漫賦志感

憶昔春披弱柳枝柳枝嫋嫋向春移青青挽得
東君力三迭瓊枝去任遲翠裳嬌舞按天魔金
縷困垂映婆娑風送柔條回盼處千章嚙響奏
長歌長歌一曲度春愁顧影自憐伴雀啾妬殺
封姨誰作主轉來移植向秦樓五陵年少袖雙
柑鞭墮金絲驚繡幃買笑千金春正好惜春肯
任柳枝黠絮飛幾度繞東籬拍拍春懷每解頰
綠醕於斯傾一石玉顏倚翠眠茵蓆有時傍袖
拂雕欄有時滌流追皓色陌頭無日不尋芳芳
草繡茵如以識繡茵非萎柳非黃振振柔絲委

道旁未許東皇常吹燠雙鷗空對路人忙君不見長門百尺絲如煙深鎖吁啼怨翠鈿黛色不隨行雨夢時時低首恨青天又不見章臺初折嬌柔年的的綠裳帶露寒不有押衙懷俠骨一枝拚取他人憐不如九畹粲階步馥馥搖芳朱檻護不如三逕對蓮塘亭亭鸞影灑清露看君翠拂行人首嗚咽春情濃於酒我亦柔腸煉欲堅新磨慧劍連根刮韶光倏黯鶯聲歇擬抱殘枝愁皓月知君綠髮未老時長風應逐酬華髮

過豫國士祠

白日陰雲護古橋常吹俠骨映丹青丹青不墜君不死愧殺二心空滿朝當年身漆暗相襲當年咽炭吞聲泣劍血直淋趙子衣初心未負死何悒六卿虎鬪成塵土剩有一士芳萬古貞魂徧繞堂前松日日嗚條悲故主

再賦坐隱臺十韻

層臺高捧探玄居一局常開說正奇我亦脫巾
來問易諸君決勝已多時計成掀髯歌且舞筭
出攢眉下復疑盈縮須臾歸混沌雙奩歛盡虎
龍旗玄道明明開直路箇中奧秘阿誰知知時
柯爛等芻狗數按周天訣在斯四氣平分渾鼎
立槐風吹霧振長蛇二儀雜峙同龍戰竹響傳
笳約陣期我自旁觀技欲癢幾回借箸畫雄施
等閑識得當場意抹殺從前學蚌持

秋登滄浪亭

亭開江畔與雲齊白苧青松綠草萋有徑可尋
苔蘚溼步來曲曲似穿霓摳衣披露陟山峯山
峯有屋堪容膝當前一水射三湘濯淨山根浪
未畢帆動小舸如織來秋江粧點渾難述蟬聲
又噪嶺頭松抱葉長吟音瑟瑟我欲問天搔首
思天門咫尺不可窺願作閒雲不出岫朝朝吐
氣覆青芝

老嫗行

客持一畫畫老嫗浣紗江干凝眸跌坐
一士人拱立舟上因爲賦其意中事云
老嫗何事坐江渚植竿挂紗渾無語細看非怨
亦非嗔髣髴胸懷多酸楚有客爰從舟上過問
嫗悶悶何如許憶昔少年敷粉初光華浮動步
徐徐玉簫爲嬉金爲屋七寶裙欄玳瑁梳指顧
浚閨風肅肅清揚白苧並紅蕖朱顏轉瞬鬢絲
亂金釧光沉脂不香昔日群稱高髻好今朝偏
厭舞衣長堂前倏忽成長別每向江頭濯白浪
浪濯新紗有時潔郎當去嫗慚爲妝君不見茫
茫江水自東瀉片帆風送幾多客夜來風急水
驚天驚起舟人同顛額又不見漏鼓斜懸畫舫
聲聲敲響五更汐霎時漏盡鼓亦休依舊橫
篙問河伯數十年來眼底事邽言明朝與昨夕
斯時乎客若悵然有所思老嫗浣紗還自適

冬日朱滄起太史將歸省以解脫園記見
示余不禁神往因賦長韻

潏潏峪水茸如飴濯淨山靈色色宜佳氣蔚成
僊掌地碩人點綴清且奇花巖崎屹連層閣複
道委蛇鎖碧池池躍小鱉穿荇緩共窺石筍傍
三枝蠹蠹栢林白雲徙白雲飛入危樓裡樓貯
白雲覆紫芝中叅舍利毫光起飄來僊氣繞調
鶴半月門開見諸美廓可迴風風掃徑梁因架
石石爲几東君好作閒主人朱紱暫拋脫朝市
剩有石髓共花光待君杖策聯珠履李能白兮
桃能紅桂有香兮松有風長袖綠莎金縷串昨
餐春色今飛鴻桃源有意人歸早霜葉已寒十
月楓况是青燐炤夜後幾番回首倍忡忡雲封
石斷留情處携手銜杯看晚虹

旋陽樓詩

存予王老年翁直言被放心不忌君作

旋陽樓偃仰其內垂二十年蓋亦屈大
夫行吟澤畔意也余讀記文爲之淒然
賦詩以贈

曦輪杲杲無私方高掛昊天萬古常被逐鬱抑
誰與語題樓忠耿取旋陽憂時寧忍言明哲放
後還思賡喜颺遙接汾濱雲色燦近連甲第碧
輝翔菊松滿植淵明徑槐棘蔭森綠野堂雪洞
魚塘映復閣卿雲復旦亘天章雙丸迅轉分
晷日似小年愛靜長烈烈商炎霖雨起遲遲周
旭會朝陽凌虛咫尺開天語呼吸遙通帝座傍
涼燠各宜時自適五雲龕裏蘊機祥雲迴洞口
遲駒影薜挂衡門映杜芳路曲房幽履跡少雲
朝雨夕興偏長蠹書展紫帷輝透雀舌烹泉甌
送香假此貞棲安劍履不圖飛竿舞霓裳主人
日涉此樓中心心捧日對玄蒼朝來石磬鳴清
梵復見虛窻照曉緗山色四圍來青靄簷鈴夜

送竹方床憑君瞪目樓邊景拜石栽花任徜徉
有客聞之情欲移願登臨兮歎路長

皇極殿重建紀事

宸居新兆垂衣日寶鼎爰逢錫極時運啓升恆
恢制作曆開萃泰奠丕基花磚預結弘文地隆
棟分求綿蕞儀雷動兩階翻雉尾雲來五色燦
龍池延英汗浹應爲樂宣室承釐洵有期一代
冕旒凝正鼎八方圭璧拜重離遙知肯構同天
久願頌綏邦祝六願

大祀社稷壇禮成紀事

前夕大雨祀時忽
霽中外異之

六龍初御垂新極大地同欣見漢儀國典爰修
全盛禮民瘼式動一人咨未從霓羽追長樂先
向牲圭祝大熙千載遙傳天仗出一壇俄散玉
爐馳薰風細度叅僊樂杲日方升燦乘帷清道
雨師渾效順迴鸞雲幔盡開達天心眷注超前
牒化燭重調信有期

五言律

秋日同葉蕃實王韓鎮邢大來李大生遊
西山諸寺次韓鎮韻

八極靜中度邨言千夜長毒龍警半偈舍利映
孤梁曲枕諸緣寂迴光一莖香想因逃苦業觀
世向雲房

卧佛寺

多樹橫蒼靄山深色更幽鐘傳頻擊曉葉墜任
驚秋佛古新苔合巖高低逕悠鞅煩渾未解爲

此獨遲留

香山寺

佛骨新靈發瑤宮法境重雕棟涵金粟銀池浸
玉龍風傳松上韻僧擊飯時鐘欲識西來意低

徧問別宗

碧雲寺

冬日閒居次大兄韻

童心悲老大問世已經年飛汞嘲丹竈馴龍有
赤拳党侯低唱歌畢卓甕頭緣一室觀常達行
行別有天

我思冬日夢短晷寄閒身幕薄風窺戶爐寒雪
傷人敲枰消惡障彈鋏對佳辰此况難同識叅
來解世嗔
鳥語回清夢旭光破熟眠醒多惟煮雪腸俗厭
烹鮮煙結獸灰冷風停雀噪旋貪慵何所事起
靜亦翛然

病中題壁

閒身未老日多病已相尋胃窄憑方展神昏
夢深鴉鳴驚短晷客謝罷長吟幾度青燈下低
頭有薄衾

一夢重門度神遊何地哉興緣圭箸淺心逐雁
鴻回載鬼非弓影洗腸有爆灰業身胡所似多
露洒輕埃
噴盡燈頭蕊報來夙業長篆寒詩骨瘦漏承德
星翔消渴憑龍餅祛魔有劍囊欲將冰雪意搔
首傲清霜

春日途行憶無計留春任句足韻

無計留春任風催梅雨來老鶯傳客思初柳拂
離杯花事征塵隔墅遊午夢回東君收拾好明
歲任安排

行山

携手憑高處偶作浪遊人着意酣新旭無心效
舊顰關關鳥語近曲曲路痕迤一自家山隔迷
茫盡棘藜

行山高萬丈有路插青霄古樹添蒼靄春雲護
遠峽渴腸誰可解鄉思煞難消今日憑欄意悠
悠何處招

過新鄉弔郭孟諸副憲

衛邦有俠士噓氣可成虹意白心還赤文雄義
更崇薛公饒食客荆牧播清風一自褰帷歎歎
獻匣劍空

七言律

元日朝回馬上偶成

千官祝罷聖明釐肅肅朱衣夾道馳萬戶新符
春令到一天朝氣曉煙移海波未靜宵衣日勝
事徒虛傳炬時願得烽銷民樂業朝朝朝下醉
椒卮

上元遇雪步大兄韻

繇來勝事向天祈瑞霰籠燈屑玉霏霧溼橋星
沾早澤雲橫樹火護雙輝傳柑肯讓昔人興刻
燭那防俗士非春色正從霓羽度任催宮漏莫
輕違

春雪夜集

簾前午夜看瓊霏酒映金卮雪映衣新序暗從
霓羽度毫端收得錦璣歸頻燒多炬乘春令旋
煑六花醒饜肥到手流觴須再酌曉鐘妬我蚤
言違

柳堤早發

滿空曙色射長林處處金拖曉露淋迎車細霧
推塵起鳴樹新鷗入葉深未許白雲常棲谷亦
隨赤鳳漫翔岑居恒渾是耽流石行路難哉對
軾吟

燕中伏日聞蟬

日來離火蒸塵客忽送秋聲北蚤涼自抱南枝
歌遠調還乘曉露振新裳宮槐聽處高嘶急骨
馬行來別興長黃綬經年醫俗好願將啼破簿

書膠

秋宿武安山邸

對月披襟隨地宜茅簷倒影夜清時蚤吟細向
壁間引松韻遠從山外馳墟出長虹開霧障收
來爽氣壯詩脾悲秋莫道歛歛好俠骨臨風興
始奇

秋夜郵亭鐵馬

鐵聲一夜響空廊瑟瑟撩人到枕傍響急多應

傷曉露鑣聯端欲曝秋陽驚回冷榻星初沒數
徧歸期路尚長我賦黃華邊檄重駢駢爾又爲
誰忙

秋深之任關南過漢陰署偶成

雲擁輶車出太行千山歷盡見江洋秦關煙樹
凝朝翠漢水洶濤逐夜光天外鴻鳴秋色老江
邊鷺振客心涼駢駢塵裏非吾意倍念東籬菊
暗香

重九日次汾陽同靳嗣美進士朱滄起太

史朱鼎石中翰夜飲

茱萸分插上南樓強把客心伴酒籌一擲長呼
渾得采四筵高笑共浮甌霜凝不欲風吹帽談
盡重聽曲和篴醉看東籬黃菊滿爲嫌蜂蝶却
生秋

頻年把袂共長安此夜征車復對歡半月窺尊
黃菊瘦繁霜點地白衣寒歸心潦倒濃過酒詩

興翩翩急似湍他日相逢何處是龍星看聚五
雲端

冬夜客集

絳燭頻燒且炷香當筵嬌舞興初長水輪倒影
窺歌嘯獸炭烘煙佐豆觴談入太玄寒骨壯搜
來佳話酒籌忘婆婆莫問青衫溼快事那同此
夜良

賀任雪音年丈太夫人兩世貞節恩旌

婺星雙拱聚寒室炤出貞心寸寸丹閉閣百年
惟茹蘖乘軒初命憶和九世居完節驚冰質手
植遺枝映玉盤剩得芳名垂後葉願留青史作
奇觀

壽王少司農夫人

佳氣新來護綵衣爲春千歲古言稀霜成九鍊
老堪却華發孤曇色自輝架上鸞書垂累葉堦
前玉樹度光巒月恒川至知無極願薦金莖露

未晞

奉使轉餉季秋朔井陘署夜雨

何事山城滯使車
潺潺簷溜響空衙
壁間蛩韻仍秋曲
蕉裏鹿藏亦泡花
風勁遙知臨鐵塞
夢多每似侍金華
邊人一飽思方切
誰遣陰雲隔路賒

坐隱臺次漱六暨大兄韻

一局叅來第幾宮
謾從黑白問玄同
機成虎視高雲表
藩固龍蟠出掌中
四道雄行生陣霧
雙關妙點鎖旗風
憑高一着休輕擲
柯爛于今存二翁

秋日雨後過界山

一徑斜通入翠微
新霖洗暑漫霏霏
白雲盡處山還溼
青鳥鳴時日自暉
遑羨鹵聲穿谷嚮
堪憐遊子問心違
故園剩有蓴鱸况
浚鎖秋容人未歸

初秋入鄖餘暑猶盛憩遠河公署次壁間

裴太宰韻

流火炎炎灼大巔西風吹送到車前地分秦楚
山爲嶂氣別兌離日在天暫向空亭披霧露驚
看斷壁起雲煙欲從鄖國求津處坐聽秋聲載
滿船

初冬昧爽登晴川閣

長江風靜鎖重樓白露青霜曉未收漢樹自生
催老幹楚雲仍解度芳洲天邊有彩堪稱幕岸
外求津欲作桴心事只須隨流水凭欄無復思
悠悠

白雲閣

白雲飛散幾千秋今日端因使節留洲外江流
還舊合山頭簷暈自新浮庾樓有興風生席范
轡無私月滿舟勝事楚山共無極非關尋跡問
丹丘

流寇披猖余督兵追剿凡三過滇中矣經
年馬上一事無成賦以志感時爲丙子
上元之後三日

鯨鯢吹浪半神州九載侵尋大地流人自支頤
空說劍我來仗策漫椎牛戰雲未散征衫破輦
鼓長鳴畫戟稠起視天狼仍炤眼沉沉底事滿
心頭

被謫覃懷中秋夜及任參矣劉醉竹諸君

小集醉竹袖出一詩客去挑燈次韻

一天風露沁心清秋色誰分到野城月覩白螺
西爽意燭拋紅淚故鄉情且言今夕成三客莫
尙來宵看再明暗向五雲高處覓不禁別緒伴
殘更

有客開樽對太清端因此夜月盈城渾無簫管
催新思剩有壺觴逗旅情投轄我圖消夜永揮
毫君自話星明他鄉遊子參橫後擬辦關山度

五更

旅舍深秋

逐臣去國漫悲秋
寒色空庭午未收
鎮日重門無剝啄
一身習坎任沉浮
雲連天際家山遠
事滿心頭客思稠
欲問津梁何處是
還愁性拙等鳴鳩

憶舊

逐臣何事漫孤吟
暗裏低回入夜深
誰識世情嫺嚙面
自憐忠腸好枯心
典兵多見刀頭血
還節惟餘帶上金
歷歷前因何處是
空添白髮鬢邊侵

元旦旅中

遙瞻天外曉煙籠
飛入人間第幾宮
朝氣氤氳梅尚白
客心潦倒日初紅
異鄉有伴惟書劍
陌路何從問雁鴻
草莽孤臣無事事
願聞洗甲願年豐

旅中上元夜獨坐值雪

雪白燈輝動滿城
旅人點易對孤檠
雲橫幻作
雨花夜簾靜
誰傳敲竹聲
盤內黃柑噉
獨醒樓
頭清漏漫長鳴
莫言簫鼓千門好
斗室饒將春意盈

習靜九僊臺漫賦

愁人無事但倚樓
盡日怱怱學楚囚
自分嗜書
爲老蠹不圖穿履作
犇牛局門難鎖還家夢
對水空羞泛海桴
願向山中老歲月
貪嗔癡癖一時休

都門同王存子侍御朱滄起太史談燕京

寇禍事感賦

十五年前此地遊
宮槐裊裊翠雲浮
一從王氣
燕山盡再見
秦灰北地蹂
九廟不消亾國恨
千官誰識拜恩羞
漫將底事頻推論
每對頽宮淚滿眸

春日將下大行過星軺阻雨用壁間韻

閒雲風逐出山城一夜新霽萬木清桃下無蹊
白石滿柳邊纖雨黛眉橫客心初動催宵短宦
轍曾經入眼明不是群芳能應令繇來大地宥
春生

兵燹後恭謁孟夫子廟

德來浩氣幾千秋欲問天人第一籌楊墨久湮
仁義脉梁齊空獻霸王謀天心獨爲開來學世
變何從識壯猷烽火數番檉桷在山靈端自護
松楸

宿遷舟中

十年不上載愁船贏得匡床帶醉眠白浪誰驚
枰外局錦帆半挂夢中天一聲邪許江風急萬
木青森曉霧穿此去山川渾是客空餘熟誦遂

初篇

五言絕

再憶留春句漫成十絕

無計留春任壘巢燕燕忙簾外呢喃語細論清
晝長

無計留春任楊花貼地馳泥塗憎染着復上最
高枝

無計留春任殘紅作雨飛收來浸白墮莫使傍
泥歸

無計留春任忘憂綠滿觴離騷帶醉讀亂嗅幾
叢香

無計留春任藍輿到處尋惱人花事晚一半飽
春禽

無計留春任拈毫寄恨長情深寫不得無語暗
平章

無計留春任梅酸澣齒時一般清味溜偏醒醉
翁脾

無計留春任閒闌日永時停針倚繡戶此况阿

誰知

無計留春住。紉頭新意多。揮來煩暑袪。一任度
輕羅。

無計留春住。燒空有火雲。清涼誰可灑。偏息開
中塵。

雨松

雨障遠松時。松枝未許垂。雨無終日溜。松響滿
空吹。

江上風行

山外大風來。樓船輕似葉。日行千里餘。快哉利
川楫。

重九前日夜駐均州公署值雨

郵亭一夜雨。客子半牀心。夢到東籬畔。隔溪聽
暮砧。

蕉葉大如箕。終宵打雨響。不因爾呈身。誰復凌
其上。

襄江水不寒九月無南鴈金菊應時開方知秋色晏

秋杪登樓

山頂白雲結雲破鴈聲多驚起樓中客關心可若何

極目故園處雲深不可窺東籬猶燦燦頻誦采薇詩

仲春山行

馬足迎風懶愁思逐客來山花不解意猶自向春開

旅中雨夜

細雨催更急孤檠伴夜愁重門着意鎖莫聽夢魂遊

青青調

路上青青草非因襯馬蹄遊春人意盡翠萼踏成蹊

堤上青青柳絮開，依舊飛不知春色去。漫舞倚
羅衣。

樹上青青葉，因風每拂雲。庭除清影落，夢穩爲
無燠。

陌上青青黍，老農帶劍耘黃塵。山外起疑是關
西軍。

七言絕

春行清風店

行來塵客見清風，風濯塵襟此際空。柳絮飛
歸樹杪，想因不欲墮塵中。

仲夏同郭汝大侯同來白事七絕

愛收爽氣向西來，涼徑釣簾次第開。剩有迎風
花解語，對人含笑故徘徊。

花滿疎籬酒滿卮，青梅纍纍濺酸時。拚將百斗
憑君醉，遮莫多情寄阿誰。

碧梧西畔晚涼生，曳舞盈盈翠羽橫。一曲新腔

渾未歇數星明滅間清英

君自擊壺堪說劍我來歸頂欲談玄銜杯莫愛
相思字澆塊臨風共問天

澆塊臨風共問天
三峽旋摘煮山泉枯腸未許
盧仝識沁入詩脾雨後佳

零紅消瘦度人愁浮人清醪香滿收自是休文
多感悼無端淒雨冷心頭

八面颺來香暗度四筵舞罷意猶長
逃塵覓得
清涼訣竹韻溪聲伴一觴

菊月次米脂步壁間韻

西風催雨上黃花爲洗秋悲與塞沙
蜂蝶都收
春色去金英歲歲伴霜笳

鬢插茱萸杯沁花莫教清供怨黃沙
臨風澆塊
天涯客怕聽邊人泣夜笳

故園松茂菊生花不聞刁斗不飛沙
戍人荒塞
般般苦願祝薰風解怒笳

聞蟬

商飈西逐彩雲流秋色圖分上小樓高柳新蟬
渾好事叨叨角口未曾休

舟中夜雪偶成

長江風勁度山鳴爲灑瓊瑤夜色盈漏永冰心
惟映雪輕舟冷冷自孤橫

夜駐內丘公署夢至家室賦以志感

端因捧檄問征車贏得新愁怨絕裾孺慕不隨

曉色散空庭結想似吾廬

易水弔古

歌罷荆卿渡巨津拚將熱血灑秦廷咸陽俠骨
已成燼易水于今帶怒湍

過湯陰謁岳王廟感賦

痛飲黃龍事已非國城千古恨青衣沿江羆虎
森如許不及東窻片語飛

將星半夜隕圓扉和議崇朝出紫闈誰信高皇

真似夢想應忘却舊邦畿
忠佞同歸土一丘東窻何事苦陰謀抵今群拜
錢塘塚長舌空懷放虎憂

長安夜雨

細雨窺簾灑客襟半牀殘夢思沉沉誰家贏得
天邊月不照天邊遊子心

秋夜舟中偶成

兩岸青莎帶遠汀樹邊螢火嶺頭星夜深人靜
舟橫後半榻秋聲睡未寧
山上疎鐘船上人平分清意對良辰一時鐘罷
人歸幕夢遶前山月滿身

秋思

劉醉竹茂才再投四絕各有所指時當
對月總以秋思次韻

幾陣西風惱客衣輕羅何事與時違欲澆壘塊
呼杯酒怕惹它愁復掩扉

鴈噪南樓又一年樓中庾興頓蕭然問君憔悴
關心事無語相看情倍牽
空堂無幕風窺榻底事傷心星渡河暗數雲間
千萬點算來未似此心多
月照它人歌舞地蛩吟旅客夜淒時一般景色
縣分處自悵憧憧多所思

重九日旅中史給諫送酒獨酌

重門寂寂暗黃花有客孤吟過日斜花自含情
入意懶茱萸分插是誰家

歲除

今日不憐歲月老明朝但願肺腸寬等閒拚却
從前事寂寂寒梅尚未殘
家家擊鼓送寒行有客長吟晚未平靈鵲不知
人意惱仍來簷際作驩聲

山中元日題壁是日雪

椒觴未薦思成醒舊業新愁一橫生山鳥不知

人事改仍來枝上報春明
六花滿地爲行春。壓盡千山白日塵。誰是笙歌
娛素髮。隔雲惟見數樵人。

上元後二日作

別院笙歌事已闌。燈煙飛盡夜增寒。倩人試問
筵中客。今歲傳柑另樣看。

再過豫國士祠

國士千秋久作塵。丹心矯矯尚生嗔。殿前孤柏

凌風勁。媿殺乘軒行路人。

可圍內欲作灌園居。一楹門窻皆作半月

狀豫題

月正盈時卽有虧。難從虧處問推移。不如便作
持盃想。半放晴光半任癡。

